

七年風害悟徹心經無罣礙信任西東南北休分上下同龍
華三會默識逍遙觀自在要見真空元始虛元是祖宗
時當五九道用謫仙三盞酒採仗風流爲示農耕擊土牛東
君德厚放盡山梅并岸柳得得真修一顆明珠出玉樓
青山綠水自與今朝長是醉綠水青山得道之人本要閑清
風明月占得逍遙無可說明月清風共是三人我便同
心低大小細細搜尋玄裏妙大小心低西上爲東卯作西心
高火出走了三田錫與蜜火出心高轉轂輪迴又一遭
神清氣爽樂處清閑堪一唱氣爽神清鼓出從來自已聲清
神爽氣長就黃芽綠澆濟爽氣清神認得前程這箇真

道藏輯要

重陽全真集

三

中胃集一

又 贈王家飲店

涼淘要結妙手輕團如握雪要結涼淘瓊藥紛紛入寶槽 挨
刀細切碗內銀筋挑玉屑細切挨刀又分隨余採碧桃

又 化破帛

長居海畔非帛衣身應不暖海畔長居温煥凡軀性自如於
公願管轉化多人爲首讚願管公於養就仙胎得展舒

浪淘沙

唐秀才索春寒秋熱詞

氣色做交加四序無差上凝下出兩相磨暖律欺寒寒逼暖易
位難趁 恰似這浮華人做生涯得時温煥失來邪貧富熱寒
應不定浪裏淘沙

和氣欲超昇寒色沈凝清涼內爽亦能騰卻被外炎相伏定春
冷秋蒸 陰照復陽登陽喜陰增人當衰處轉誇能天欲明而
仍暫暗禍福交承

又 歎虛飄飄

石火不相饒電裏光燒百年恰似水中泡一滅一生何太速風
燭時燒 公等在浮囂悟取虛韶福油好把慧燈挑光焰長生
明又朗返照芝苗 人要悟黃芽勿戀榮華俗家出了做仙家
物物拈來都打破藉甚嬰娃 蓬島現光華翠霧紅霞長春園
裏看靈葩覆燾清光仍自許得得休誇

驀山溪

道藏輯要

重陽全真集

四 中胃集一

玉堂三老唯識王三操復許辨三台更能潤三田倚靠自然三
耀攢聚氣精神運三車依三教永沒沈三道 須通三寶方見
三清好真性照三峯陡免了三焦做造休論三世諸佛現前來
得三乘遊三昧瑩瑩歸三島
修行學道切莫憑嬰姪只是這些兒把塵俗般般不惹自然蕭
索寂寞與他依餐殘飯著麤衣飽暖休相捨 常從坦蕩守養
身軀假閑裏得真閑覺清涼惺惺灑灑暗中功行直待兩盈盈
靈明顯做逍遙師父看來也

水中漚起來往相隨走旋旋被風吹便生滅暫無還有忽亡忽
聚過速沒人知如浮世不堅牢名利難長久 諸公早悟休要